

۲ رمضان ۱۳۳۰

پنجشنبه

۲ اگستوس ۱۳۲۸

نومرو ۴ — ۲۴

نسخه سی ۲۰ پاره در



امور اداره و تحریر و اعلانات و سائرہ ایچون مدیر
مسئولہ سراجت ابدالمیدر .

آبونہ سی بر سندک اعتباریلہ ممالک عثمانیہ ایچون
۱۵ و ممالک اجنبیہ ایچون ۲۰ غروشدر .

صرفای امتک مقالات متدوفانہ لرینہ جریدہ
صوفیہ نک صحیفہ لری آچیتدر .

محل اداره باب عالی جوارنده ابوالسعود جادہ سندہ
نجم استقبال مطبعہ سی

شمعیلاک اون بش کونده بر نشر اولنور

تصوفی ، دینی ، سیاسی اخلاقی ، ادبی تورک جریدہ اسلامیہ سیدر

مشایخ ناصحین ایله واصل اولدینی سلطان بایزید خان حضرتلری جامع شریفی واعظلغنده و ۱۳۰۲ سنه-نده ارتحال دار بقا ایتشدنر جوار حضرت خالد بن زید رضی الله عنہک کاشغری درکاهی قربنده مدفوندر .

- ۱۳ -

(شیخ حافظ حسن افندی نقشبندی)

اماطولیده ملوسیه جوارنده قارغی قصبه-نده مهربان خاتون جامع زیبا وزاویه دلکشاشنده مدفون ذریت طاهره حضرت امام حسن عتبداد شیخ سید حسن قارغینی اولادندن و موطارنجیه شیخ اوغلاری دنیان سلاله شرفاندنر .

۱۲۳۷ سنه-نده قصبه مذکورده دیر-ایه کلوب ۱۲۵۱ سنه-نده تحصیل علوم ایچون استانبوله کادیکنده تعام طالبان و تربیه سالکان ایله اشتغال ایدن شیخ حاجی محمد نوری شمس الدین افندیکنک خدمته واصل و برسنه صکره شیخ مومی ایله بشکطاشده مدفون قطب العارفین یحیی افندی حضرتلرینک تربه دارلمی توجیه اولندیشنده ممأ تربیه عزیز مشار الیه داخل اولوب اوراده فقط قرآن کریم و تحصیل علوم دین و معارف یقین ایدرک طریقت نقش-بندانده شیخ حاجی محمد نوری شمس الدین افندیکنک اخذ اجازتله کامیاب و شیخ ابراهیم تنوری قیصری اولادندن و مشایخ قادریه دن شیخ ابراهیم معشوق افندی به داماد اولمش ۱۲۸۶ سنه-نده روم ایلی حصارنده سلطان محمود خان اول حضرتلرینک جامع شریفی جمعه واعظلیقه توقیر واکرام اولوب ۳۲ سنه دور جوامع سلاطین و قطع مقامات مشایخ واعظین ایله واصل اولدینی جتیمکان سلطان سلیمان خان قدیم حضرتلری جامع انوار لامعنده کرنشی نشین و عظم و تذکیر ایکن ۱۳۱۸ سنه سی شوالنده و سکیان بش باشندده ارتحال دارنیم ایتشدنر یحیی افندی حظیره- سنده مدفوندر .

احمد خلمی



شاعر الهی نوا استانبولی علی رضا بک مرحومک اشعار عارفانه لرندن :

تحمیس

دلا ملک فنا صانع مهربنکام جاندر بو ،
تجلیخانه وحدت صفازار جاندر بو ،
سرری مع الهمدر، سرای بی نشاندر بو،

محقرلر مقامیدر ، فضای لامکاندر بو ،
نه ییلسون انس ایله جن کعبه لاهوتیاندر بو .
چمنزار حقیقتدر بو صحرای فرحبشاش،
اولور کلغنجه معنی مشام عاشقه بو یا
کلیر هر بر نهالندن ندای علم الاسما ،
محقرلر مقامیدر ، فضای لامکاندر بو ،
نه ییلسون انس ایله جن کعبه لاهوتیاندر بو .
شراب فیض توحیدی صو نار پیمانه دن ساقی ،
بولور وحدت سراینده کوکلر لذت باقی ،
بوزولاز مجلس قالوا بلی نک عهد و میثاق ،
محقرلر مقامیدر ، فضای لامکاندر بو .
نه ییلسون انس ایله جن کعبه لاهوتیاندر بو .
کوروری دبدبه اعمی ، نه ییلسون یار و اغیاری ،
دکدر شول کل معنی لباس غنچه دن طاری :
کورر هر سوده عارف صفت حضرت باری ،
محقرلر مقامیدر ، فضای لامکاندر بو .
نه ییلسون انس ایله جن کعبه لاهوتیاندر بو .
نه لازم خالق بونجه دلائل خلقه اثباته ،
یتشه زمی نظر الله ایچون اعماق ایاته
نیدرلر صورت کونی ابرنلر سیرت ذاته ؟
محقرلر مقامیدر ، فضای لامکاندر بو .
نه ییلسون انس ایله جن کعبه لاهوتیاندر بو .
کیرن بو دار عشقه خالق تسبیح ایدر هرکاه .
اولور هم محبت حجاج بیت ثم وجه الله
مقید کعبه بی نیلر اولانلر مطلقه اگاه
محقرلر مقامیدر فضای لامکاندر بو .
نه ییلسون انس ایله جن کعبه لاهوتیاندر بو .
سزادر غیری دالر حسرتندن قیلسه وایلا ،
کوروندی غربت شامی ، زمان فرقت مولا ،
نه نمکیندر الهی سوزش فرقتده کی مهیا
محقرلر مقامیدر ، فضای لامکاندر بو .
نه ییلسون انس ایله جن کعبه لاهوتیاندر بو .
هلال ابروری چون قاب فوسین اول کل زیبا
نهاندر خال هندوس رخنده سر او ادنی
صفا ریز محبتدر لبند نطق مالوخی
محقرلر مقامیدر ، فضای لامکاندر بو .
نه ییلسون انس ایله جن کعبه لاهوتیاندر بو .
« رضا » بر نقطه دن حل ایلدک بونجه معانی بی
رموز حیدریدن اکلاذق سبع المثانی بی
بزز تعلیم ایدن حضره زبان بی زبانی بی
محقرلر مقامیدر ، فضای لامکاندر بو .
نه ییلسون انس ایله جن کعبه لاهوتیاندر بو .

نجم استقبال مطبعه سی صاحب امتیاز حسن کاظم
ومدر مسئول